

DECLARACION

. Er *Institut d'Estudis Aranès-Acadèmia aranès de la lenga occitana* (IEA-AALO) ei corresponsable damb eth futur deth pòble catalan exercit a traucès d'un procès netament democratic.

. Er *Institut d'Estudis Aranès-Acadèmia aranès de la lenga occitana* (IEA-AALO), se compromet e solidarize damb eth dret a decidir deth pòble catalan e deth pòble aranès.

. Era proteccion qu'era Catalonha autonòmica a dat ar aranès a creat un modèl e un exemple mondial de proteccion d'ua minoria, e de promocion de la sua dignitat.

. Era proteccion qu'er aranès a rebut ena Catalonha autonòmica ei eth màger grad de proteccion governamentau que jamès se li a dat ad aquesta lenga.

. Era proteccion de la lenga occitana en Catalonha dignifique a Catalonha, la convertís en paradigma mondial deth respècte identitari, ei un modèl internacionau de tolerància e repercutís ena creacion d'ua imatge de societat dubèrta contrària as fondamentalismes lingüistics. Era promocion de l'occitan en Catalonha a repercussions ena comunicacion deth respècte que Catalonha cre qu'eth catalan deuriè de recèber en aqueri endrets enes que non ei lenga majoritària, e per tant se convertís en un argument propagandistic deth tractament qu'auriè volut recèber e que demore a uer en un futur.

. En un futur era lenga occitana aurà d'auer aumens es madeishi drets qu'ena Catalonha autonòmica. Serie absolutament contradictòri entrar en un procès de negacion de la oficialitat de l'occitan en tota Catalonha.

. En un futur era lenga occitana, aranès en Aran, a d'incrementar es drets d'accès e d'emplec de los ciutadans, a de millorar la sua preséncia publica en toti es mejans, a d'èster més present en toti es servicis educatius, formatius, socials,... e a d'auer accés a instàncies internacionaus.

. Eth pòble aranès aurà de decidir eth sòn futur. Correspon as institucions de govèrn de la Val d'Aran, especialment ath Conselh Generau d'Aran e ath Sindic d'Aran, la estructuracion e la gestion deth procès de decision deth pòble aranès.

Vielha 8 de juliol de 2017